

آبونه شهر اظفی

ممالك عثمانیه ده سنه لکی (۶۵)، آتی
آیلغی (۳۵) غروشدور .
ممالك اجنبیه ده سنه لکی (۱۷)، آتی
آیلغی (۹) فراتقدر .

اداره خانه

باب عالی جاده سنده دائرة مخصوصه

اظفارات

آبونه بدلی پشیندر

§

مسلكه موافق آثار مع المنونیه قبول
اولنورده درج ایدله یں یازیلر اعاده
اولونماز .

الکتاب

۱۳۳۰

دینی، فلسفی، علمی، ادبی هفته لقی مجموعه اسلامیه در .

والله یهدی من یشاء الی صراط مستقیم

باش محمد
محمد عاکف

صاحب و مدیر
ع . اشرف ادیب

اتبعون اهدکم سبیل الرشاد

عدد ۳۲۶

۲۶ ربیع الاول ۱۳۳۳

پنجشنبه

۲۹ کانون ثانی ۱۳۳۰

جلد ۱۳

اظفارات

رساله مشردن آلتدیغی کوسترملک
شرطیله بتون یازیلر هر هانکی
برغزته طرفندن اقتباس اولونه بیلیر .

§

مکتوبلرک امضالری واضح
و او قوناقلی اولسی و آبونه صره
نومروسنی محتوی بولونمسی لازمدر

§

ممالك اجنبیه ایچون آبونه اولانلرک
آدرس لرینک فرانسیزجه ده یازلمسی
رجا اولنور .

§

پاره کوندر لیدیکی زمان نه یه د اثر اولد
یغناک واضحاً بیلدیرلمسی رجا اولنور .

نظار اعضا شدن، رؤسای اقلام، علما و اعیانندن متشکل بر مجلس عقد ایده رک مسأله بی مذاکره ایتدی. مجلس، خدیو بهر هیئتک ارساله، بوهیئت طرفندن قاهره به دعوت ایدلمسینه قرار ویردی. هیئت مصره عودت ایدنجه عراقی به خدیوک اسکندریه دن آنجق انکیزلرک اذنیله (۱) مفارقت ایدمیلجه چکنی تبلیغ ایتدی. بونک اوزرینه عراقینک طرفدارلری هیجانه، غلیانه کلیدلر، حتی خدیوک عزل ایدلمسینی بیله ایسته دیلر.

انکیزلرک صوکرده دن پک بیوک بر دوستی اولان و حرب عمومی باشلادیقی زمانلرده اولهن مصر رئیس نظار اسبقی مصطفی فهمی پاشا اوصرمده عراقینک افکار و مسلکینه اک شدتلی، اک فداکار طرفدارلردن ایدی.

۲۰ تموز ۱۸۸۲ ده خدیو توفیق پاشا عراقینک عصیانندن طولانی عزلنه دائر بر امر عالی اصدار ایدرک استحضارات حربیه نک ابطال ایدلمسینی امر ایتدی. حربیه وکیلی ینه امرادن، علمادن، مدیرلردن، مفتیلردن، رؤساء اقلامدن، ناظر وکیللردن، اعیانندن، فضلادن الحاصل اعضاسی بشیوز کیشی بی کچن بر اجتماع ترتیب ایدرک خدیوک تلفرافتی تبلیغ ایتدی. اوزون مذاکره لردن صوکره امر خدیوینک عدم اجراسی، انکیزلری طرد ایچون عراقینک مدافعه ده دوام ایتمی، ملکیتی اداره ایچون بر «مجلس اداری» نک تشکیل ایدلمسینی تقرر ایتدی. بوقرار تمهیر اولهنرق ذات شاهانه به ارسال ایدیلدی، عراقی یه ده رسماً تبلیغ اولوندی.

بوصبرده خدیو انکیزلرله برابر اسکندریه ده؛ ملت ده اردو ایله برابر علپلرنده ایدی.

اسکندریه نک بومباردمانی مصرده بو احوالک جریان ایتمسینی انتاج ایتدی. اوروپاده ایسه بومباردمان عمومک دهشتیله قارشیلاندی:

۱۱ تموزده دوات علیه من بتون اوروپا دولتلری نزدنده انکیز دونمسانک حرکتی پروتستو ایتدی.

درسمادنده اجتماعده دوام ایدهن دول معظمه قونقره سی ۱۵ تموز ۱۸۸۲ ده اوروپا نامنه حکومت عثمانیه به: اردوسنی؛ قوماندانک صلاحیتنی تقیید ایتک، مصر اداره سنه مداخله ایتهمک، ذات شاهانه طرفندن ویریلن فرمانلری، دولی اتفاقلری بوزماق شرطیله؛ مصری اشغال ایچون کوندرمسینی تبلیغ ایتکی قرارلاشدیردی. قرار ۱۵ تموزده حکومت عثمانیه به تبلیغ ایدلدی. هرکس جوابی بکلیوودی. اوروپا تکلیفینک قبولی کرک حکومت عثمانیه، کرک مصرک منافعی نقطه نظرندن قبوله شایاندی. فقط مع الاسف دیپلماتلریز انکیزلرک، اوغدار قوم لعینک نصیحتلرینه قولاق آصه رق آلداندیلر و اوروپانک تکلیفی - هر وقت ایسترسه اوروپانک تکلیفنه لزوم کورمه دن مصره عسکر سوق ایدمیلکم ملاحظه سیاه - رد ایتدیلر. انکیزلرک ایکی یوزلو اولدقلرندن طولانی هیچ تعجب ایتمه لم. بو بر عنعنه سیاسیه در.

حدیث شریفک روایی انس بن مالک رضی الله عنه، مخرجلری امام احمد ابن حنبل، بخاری، مسلم و نسائی در.

حدیث شریف

الحیل ثلثة ففرس للرحمن و فرس للانسان و فرس للشیطان. فاما فرس الرحمن فالذی یرتبط فی سبیل الله عزوجل فعلفه و بوله و روثه فی میزانه و اما فرس الشیطان فالذی یقامر علیه و یراهن و اما فرس الانسان فالفرس یرتبطها الانسان یلتمس بطنها فی ستر من فقر

مال شریفی

آتلا اوچدر: بری رحمن عزوجل حضرتلری ایچوندر. بری انسانک کندیسی ایچوندر. بری ده شیطان ایچوندر. ذات پاک رحمانه خاص اولان آت الله عزوجل حضرتلری یولنده جهاد ایچون حبس ایدیلن آتدرکه اونک یمنه، بولنه، ترسنه و ارنجه یه قدر نه سی وارسه هبسی صاحبک میزانده حسناتیه آغیر باصار. شیطانه خاص اولان آت قاره و ادمایه سبب اولان آتدر. انسانه خاص اولان آت ایسه یا ورسندن استفاده قصدیه انسانک حبس ایتدیکی آتدرکه فقرالنه قارشی ستر ووقایه در.

بو حدیث شریفی امام احمد بن حنبل حضرتلری ابن مسعوددن روایت ایدیور.

احمد نعیم

مصرک سرگذشتی

۱۰

بر فاجعه لاموت :

قاهره نک سقوطی

سقوطدن مقدم

انکیزلر اسکندریه بی اشغال ایدر ایتیز خدیو توفیق پاشایی اله آلمش، اطرافنه انکیز عسکرلرینی طولدورمش ایدیلر. عراقی، اردوسنی آله رق «ایکسجی عثمان» جهته چکیلدی. تحشیدات یامغه، تدایر حربیه بی اتحاد ایتکه باشلادی. اداره عرفیه و حال حربی اعلان ایتدی. دیوان حرب عرفیه ده حربیه نظارتی وکیلنک تحت ریاستنده شکل ایتدی.

۱۷ تموزده خدیو، انکیزلرله صلحک انعقاد ایتدیکنی عراقی به تبلیغ و درحال اسکندریه به عزیمت ایتمسینی امر ایتدی.

بونک اوزرینه عراقی خدیودن شرائط صلحیه نک بالتلغراف اشعار ایدلمسینی ایسته نجه خدیو ترجیح سکوت ایدرک جواب ویرمدی؛ فقط حکومت مصریه به و آریجه حربیه نظارتنه صلحک انعقادینی، حال حربک ختام بولدیغنی اشعار ایدلدی. حربیه نظارتی وکیلی مجلس

حکومت عثمانیه بوقایبه نك سقوطندن بر کون مقدم یعنی ۲۷ تموزده معهود قونفرمه مصره عسکر کوندرمه بی، انکلیزلرک عثمانی اردوسنک وصولی متعاقب درحال مفارقت ایتلری شرطیه، قبول ایتدیکنی تبلیغ ایتدی .

لورد (دوورین) بوکا جواباً: آنحق ذات شاهانه «عربی» نك عاصی اولدیغنه دأر بر بیاننامه نشر ایدرسه عثمانی اردوسنک مصری اشغال ایتسنه انکلیز نك موافقت ایده جکنی سویلیدی. ایشته انکلیزلرک سراپا لوٹ وچرکدن تشکل ایتش طینت خبیثه سی! بر وقتلر عربانی تشویق ایدن، ذات شاهانه طرفندن بر نشان آلمسنه سبب اولان، حکومت عثمانیه فرقه احراری تشویق ایتکه سوق ایدن انکلیز شمدی ده عرباینک عصیان ایتدیکنه دأر بر فرمان ایستور !!.

تام بوصیره ده خدیو انکلیز دونماسی قوماندانی آمیرال «سیمور» سوش قنالی اشغال و عربایلردن محافظه ایتسنی طلب ایتدی. موسیو «دولسبس» ایسه عربانی به قتالک هیچ بر وقت انکلیزلر طرفندن اشغال ایدلیه جکنی انکلیزلرک تلقیناتنه بناء وعد (!) ایتشدی. فقط هر وعدی نك ایتک، هر عهدی چکنه مک انکلیزلرک ملی عادتلر نذندر. درسعات قونفرمه سی دهها حالا اجتماع ایدوب طور یوردی . حتی ایتالیا دلکسنک: بتون اوروپا دولتلری طرفندن قتالک موقتاً اشغالنه دأر اولان تکلیفی مذاکره ایدیوردی. بوتکلیف آلمانی، روسیه و اوستریا طرفندن قبول ایدیلشدی. اووقت روسلر انکلیزلرک متفق ده کل، دشمنی ایدیلر. بوفرستی قاجیر میان حکومت عثمانیه نك مصره اردو سوق ایتسنی تسهیل ایچون ۱۸۷۷ تضمینات حربیه سنک تأجیل تقاسیطنی قبول ایتدی .

۲ اغستوس ۱۸۸۲ ده انکلیز وهندستان عسکرلری سوشی اشغال ایتدیلر. اوروپا دولتلری هیچ سس چیقارمادیلر. چونکه حکومت عثمانیه نك اردو سوق ایتسنه انتظار ایدیورلردی .

[بوراده ذکر ایتک ایسته مدیکم، ساده صحیفه خاطر اتدن ده کل، (ممکن ایسه) تاریخندن بیله طی ایتدیکم بر حادته وقوع بولدی .]

۱۱

قائه به طور غری

صحابه کرامک خون شهادتیه مخمر ارض مصرک حریم مقدسی بیس انکلیز چیزمه لرله چیکننمه سی، مسلمانلری انکلیزلرک ابدی دشمن جانی ایدن واقعه نك صوک برده فجیعہ سی تمام اولیوردی .

۱۹ و ۲۰ اغستوسده انکلیز عسکرلری (ان شاء الله یقینده رها کار خلافت اردوسی طرفندن اشغالی بکله دیکم) پورت سعید واسماعیلیه بی اشغال ایتدی. متعاقباً جنرال (ولسلی) سوش قنالتک سیدی !! اعلان ایدرک انکلیز دونماسنک سرپستی مرورینی وایسته دیکی یره عسکر چیقاره بیلیمسنی تأمین ایتدی. «دولسبس» پروتستو ایتدی. فقط دیکلپن

انکلیزلر بر غرض ملعون اوغرنده ناموسلری بیله فدا ایتکدن هیچ چکینمزلر؛ هم ده بونی شرفی برشی طانیرلر .

بونلر، وقتیه بزم دیپلوماتلر مزه بتون اوروپا نك بزه دشمن، آنحق کندی لرینک بزه دوست اولدقلری هذیان ایلیمسانه بر دهها ایله اکلانه بیلیمشار وفضله اوله رق انلرک درسعات قونفرمسنه آنحق اوروپا نك علم مزده کی مساعی دشمنانه سنی عقیم برامق ایچون اشتراک ایتدیکلری یاوه سنی کوز بویاییجی بر مهارتله ذهنلره یرلشدرمشلر ایدی. اوهت کوز بویاییجی بر مهارت! چونکه اسکندریه بومباردمانی کی هر غفلتی یرتوب آتیه حق صاعقه آسا بر طراقة جهنمی کورله یوب طور یوردی .

بو صیره لده فرانسه حکومتی پارلامنتودن هر احتمال قارشو وایجابنده سوش قنالی حمایه ایتک ایچون یا بیله حق تجهیزات بحریه نك مصارفی حقنده بر قرار قبول ویرمسنی طلب ایتدی. اوزون وکورو لتولی بر مناقشه دن صکره قرار ویرلدی. مجلس، حکومته هیچ بر مسالک سیاسینک تعقیبنی توصیه ایتیه رک اتباع ایدیلن بولیتیه نك نتایجنه انتظار ایتدی .

باب عالی اوروپا تکلیفنه جواب ویرمه دن مقدم فرانسه وانکلیز نك دلکعلری قونفرمک سوش قنالی حمایه ایده جک دولتلرک تعیننی تکلیف ایتدیلر. فقط تکلیف قبول ایدیلده دی وهر کس جوابه انتظار ایتیه نی ترجیح ایتدی. مرحوم سعید پاشا ۱۹ تموزده «حکومت عثمانیه نك اوروپا دلکعلرله مذاکره ده بولونمه بی قبول ایده جکی» جوابی ویردی. اونلرک تکلیف نك قبول ویا رد ایدلدیکنه دأر حرف واحد یوقدی. بویله جه حکومت عثمانیه بدایه رد ایتدیکی بر تکلیفی اوروپا طرفندن مصره عسکر سوق ایدلمسی تکلیف اولندینی زمان قبول ایتدی و دلکعلره مذاکره باشلادی. بو دوره تاریخیده کی سیاست عثمانیه بی تاریخ تأسف چرچیولری ایچنده قید ایده جکدر . ۲۵ تموزده فرانسز حکومتی سوش قنالی حمایه ایتک ایچون پارلامنتودن ۹،۵ ملیون فرانک ایسته دی. مجلس طرفندن بر انجمن تشکیل اولندی. انجمن حکومتک تکلیفی مذاکره ایدرک قرارینی تبلیغ ایلدی .

قاینه رئیس فریسنه ایله بحریه ناظری آمیرال «زوره جبره ری» آره سنده سوش قنالی اشغال مسأله متصوره سندن طولانی بر اختلاف حادث اولدی: فریسنه فرانسزلرک آنحق قنالتک شمال ساحلنی اشغال ایتملرینی، آمیرال ده مطلقاً «زقازیق» شهرینک لزوم اشغالی ایلرو سور یوردی. مذکور انجمن بو اختلافی طویار طویماز ۹،۵ ملیون مصارفک قبولی رد ایتدی. ۲۹ تموزده مجلسده مذاکره باشلادی. موسیو فریسنه یوقاروده تفصیلاتی عرض ایتدیکمز سیاستی تشریح ایدرک مجلسدن اعتماد طلب ایتدی. اعضا برر برر بوسیاستی تنقید ایتدیلر، نتیجه ده ۷۵ رایه قارشی ۴۱۷ صدا ایله سقوط ایتدی.

اجرا ایتمه سنی تنیه ابتدی . بو بیاننامه « تل الکیر » وقعه سندن بر هفته مقدم نشر اولندی . عراقی بی خلافتک مدافع حقوقی ومظهر رضای طایبان اردو واهالینک معنوی ضعیفشدی . مدافعه اهل اولندی . فضله اوله رق خدیو سابقده انکیزلرله برلشمش وحتی انکیزلرله برابر یوللری کوستره جک ضابطر بیه ارسال ایتش بولنیور . ایدی . الحاصل عراقینک وضعیتی بک مشکلمش ایدی .

۱۴ اغستوس ۱۸۸۲ یوم مشومی معزز وسوکیلی مصرک یوره کمر پارالایچی روز ماتمیدر . اوکون او دلریا معشوقه وجدان انکیز ردای وحشته ، مایوس اولمق سزین ، بوروندی . اوکون تاریخ اسلامه اندلس فجیه سندن صکره الک دلسوز ، الک سیاه صحیفه ماتم یازیلدی . اوکون مجاهد اعظم صلاح الدین ایوبینک ، بر زمان صلیبرک هجرات عقورانه سنی بوسکوردن آهنین قلعه لرینک قوله لرینه انکیز رایت ملعتی دیکیلدی . اوکون قوجه بر کتله معظمه اسلامیه نک مقدراتی « احما و افنا » سیاستی بتون فجاعتیه تطبیق ایدن جنوارلرک قانلی وملوث پنجه لرینه دوشدی . اوکون سیدالکائنات وقره العین المسلمین حضرت محمد علیه افضل الصلوات افسدیمزک روح کزینی اغلادی ، مضویت سلیمک صارم جلادتی دست یمینده آلور صاچدی . او جهانکیر خلیفه نک روحی غضبندن ترمه دی . اوکون انکیزلر قاهره یه داخل اولدیلر

اوج کون صکره لورد (دوورین) دارالخلافه ده کمال شوق وشطارتله « آرتیق عثمانلی اردوسنک لزومی قالمدیننی » اعلان ایتدی !...

مصرلی

عمر رضا

مَطْبُوعَات

جهادک حکمت و قدسیتنی خرسیتانلر بیه تقدیر ایدیور

اقدام رفیقمرک برلین مخبری احوال اسلام حقنده کوزل کوزل خبرلر یازمه یه باشلادی . مسائل اسلامیه و شرقیه متخصصی بارون اونپهایم ایله اجرا ایتدیکی بر ملاقاتده بارون جنابلرینک اسلامیت و مسلمانلر حقنده کی تقدیراتی جدآ شایان دقت و عبرتدر ! مومی الیه بارون جنابلری دیورکه :

« سز اوله طبیعت قریب ، ترقی به مستعد بر دینه صاحبسکزکه هادتا اوکا مهد مدنیت و ترقی دیه بیلیم . اندلسک پشاده نی ، ویزی حالا یشادتینی او بیوک کونلر خاطره دن چقسه ده تاریخندن ده سیلنمزا ... بن شرقک ، مدنیت و ترقینک حیرانییم .. مطالعه ایتدیکم آثار حقیقه بکا بو خصوصده حیرتلر الفا ایلدی . تاریخچه باقلی ، کواش نصل شرقدن طرغیورسه ، مدنیت ده ایسته اوله جه اقلیم شرقدن ظهور ایتشدر . آنوریلر ، بابیلر ، مصریلر ترقینک

اولدی . سوبش قنالتک اشغالی اوزرینه فرانسز غزته لری قیامت قویاردیلر . فقط چه فائده ؟ آلمان غزته لری فرانسز لرله کوزل آلا ی ایتدیلر . آلمانیا نک مصرده یگانه منفعتی ، دوستی دولت عثمانیه یه معاونتدن بشقه بر شی اولمدیننی بیان ایتدی .

۲۵ اغستوس ۱۸۸۲ ده مصر اردوسی ایله انکیز اردوسی « محمه » ده چارپیشدیلر . نتیجه بک فجیع اولدی . انکیزلر بر چویرمه حرکتی ایله مصر اردوسی پریشان ایتدیلر . عراقی تل الکیر رجعت ایتدی وقاهره دن امداد لر یتشدی . برقاج کون صکره تل الکیر وقعه سی ده هزیمت ایله نتیجه لندی .

آرتیق تفصیلاتک صوکنی عراقینک قلمندن دیکلیه لم :

« بونک اوزرینه « کوبری القصاصین » جهتنده ایکی مهم حرکت حربیه وقوع بولدی . ایکی اردو بیوک بر ثبات کوستردی ، ایکنجی سنده راشد حسنی پاشا یارلندی ، یرینه علی الروبی پاشا تعیین ایدیلدی . ده ها هنوز هیچ بر تحکیمات یا پاماش ایکن انکیز و هندستانی عسکرلر اوزریمزه هجوم ایتدی ، سواری ، وطوبچی سواریلر صباح قارا کلغنده اوزریمزه ایکی ساعت مهالك آتشلر یاغدردیلر . ده ها صکره بر فرقه سواری اردومزی چویره رک چهارشنبه ۲۹ شوال ۱۲۹۹ ، ۱۳ ایلول سنه ۱۲۹۸ ده هزیمتمزه سبب اولدیلر . انکیز سواریلر یله تعقیب ایدیلدیکم حالده (بیلیس) کلدیم . بوراده علی الروبی پاشا ایله ملاقات ایتدم . برابر (انشاص) کیتدک و اورادن تره ن ایله قاهره یه واصل اولدق . مجلسک بتون اعضاسی حربیه ده حال اجتماعده ایدیلر . مذا کره دن صکره انکیزلرک مصری استیلا ایتک فکرنده اولدقلری (!) آکلاشلدی . بناء علیه انکیزلر انسانیت محبلری (!) اولدقلرندن مدافعه یه حاجت قالمادی . ونیجه ده مذکور دولت حقیقتی (!) اکلانجه اهالینک حریت ، راحت و رفاهنی تأمین ایده جکنه اعتماد حاصل اولدی . »

نه مدهش سطرلر ! اسکندریه نک بومباردمانندن صکره انکیزلره نصل اعتماد ایدیلر ایدی ؟ اسکندریه قتل طامندن صکره انکیزلرک محب انسانیت اولدقلری نصل قابل تصور اولوردی ؟ فقط انکیز خیانت و ملعتی اوقدر دهشتلی ایدیکه هم خلیفه نی ، هم خدیوی ، هم عراقی نی ، هم فرقه احراری آلداته بیلشمش ایدیلر .

انکیز و مصریلر آره سنده محاربه دوام ایدیورکن باب عالی لورد (دوورین) ایله بر اتفاق حربی عقدی ایچون مخبراته ده دوام ایدیور ایدی . مذکور لورد هر کون یکی برتعديل ، یکی بر ماده ایجاد ایتک ایله اردوی عثمانینک مصره سوقنی تأخیر ایدیور و حکومت عثمانیه نک (عراقی) نک عصیانده دائر بر بیاننامه نشر ایتسی ایچون اوغراشیور ایدی . نهایت نائل مرام اولدی . ۵ اغستوس ۱۸۸۲ ده ذات شاهانه « عراقینک عصیانی » اعلان و مصر اردوسنه عراقینک امرلرینی